


**ADORATION****PERPETUEL****EUS AR SACRAMANT****SACR HA SANTEL****EUS AN AUTER ;**

Assambles gant Mysteriou Passion  
 hor Zalver JESUS-CHRIST, hac ur  
 C'hantic spirituel en enor d'an  
 hano a Zoue hac a Jesus-Christ.

Composet gant YAN BEZRON, Bèleg,  
 guinidic a Guær-Ahés.



O Croas ! c'houi eo hon esperanç,  
Ni ho salud gant reveranç ;



Cresqit santelez ar re vad,  
Ha roit pardon d'ar re goupabl.

49. 4 17. 17.

AN ADORATION PERPETUEL  
EUS AR SACRAMANT.

**N**EP piou benac a lavaro ar c'homzou-mâ : *Meulet ra vezo Jesus er Sacramant sacra ha santel eus an Auter*, a c'houneo cant devez a induljançou, ha qement all nep a glêvo o lavaret gant respet ha devotion.

Nep piou benac a gôvessaï, a gomunio hac a lavaro ar c'homzou-ma : *Meulet ra vezo Jesus er Sacramant santel eus an Auter*, a c'honezo induljançou plenier ; hac ar pemp guech qenta m'o lavaro goude beza cōvessêt ha comuniet, a zelviro pemp ene eus ar purgator. *Jesus, Maria.*

*Orêson pa zon an Angelus.*

**M**'oc'h ador, ô güir gorf Jesus-Christ, Me'houi pehini a zo bet ganet gant ar Vere'hes glorius Vari, c'houi pehini a zo bet staguet var ar groas evit sovetaï ar bec'herien baour, ni ho ped hac ho suppli, dre ar Bassion oc'h eus anduret, dre ar

goad pehini oc'h eus scuillet eus ho costez,  
da rêi ar c'hraç deomp d'ho receo er Sa-  
cramant sacr ha santel eus an Auter en  
heur hor maro, ô Jesus-Christ pehini zo  
leun a vadelez! Jesus, Mab da Vari, be-  
zit truezus ha misericordius en hon andret  
en heur hor maro. *Amen.*

*D'an nep a lenno al levr-màn.*

**A**N Orêzon gaër-mâ zo bet digasset euz  
a Rom, dre bermission hon Tad santel  
ar Pab Clemant degvet a hano. Nep piou  
benac he dougo en enor da varo ha Pas-  
sion hor Zalver Jesus-Christ, n'en devezo  
nep puissanç an aerouan varneze, a vezo  
delivret eus ar maro subit, prezervet dious  
ar vocen, ha birviçen sorcer na sorceres  
na allo ober drouc d'an nep a zougo an  
orêsonou-mâ dre zevotion. Peb greg vra-  
zez a zougo al levr-màn gant devotion, a  
c'hano he c'hrouadur hep caout aon rac  
ar maro nac a ini he buguel. Nep piou  
benac a zougo al levr-mâ gant devotion  
parfet, ne varvo qet hep côves, hac a  
vouezo an heur eus e varo.

*Ar graçou a receo an nep a zoug an Orèson  
eus an Adoration ar Sacramant sacr ha  
santel eus an Auter.*

**Q**EMENT hini a zougo al levric eus an  
Adoration ar Sacramant sacr ha santel  
eus an Auter gant devotion, ma na ouzont  
qet lenn, e lavarint teir guech ar *Bater*  
hac an *Ave, Maria*, en enor d'an tri Ferson  
eus an Drindet, Doue an Tad, ar Mab,  
hac ar Speret-Santel. Ha piou benac a  
zougo al levric-mâ eur bloa antier, a  
zelivro pemp ene eus ho zоста qerent eus  
a boaniou ar purgator.

### REVELATIONOU HOR ZALVER.

*Ar re a roas e-unan da Zantez Elisabeth, da  
Zantez Brigida ha da Zantez Meltilda,  
pere o devoe c'hoant da c'hout an nombr  
eus an toliou a recevas en e Bassion.*

**H**OR Zalver Jesus-Christ, goude beza  
Hclêvet ar Zantezet en o orèson, a ap-  
parissas dezo, o comz outo evellen :  
Considerit, emezàn, va c'hoarezet, pe-  
naus emeus scuillet abalamour deoc'h,  
daou vil cant ha tri-uguent bannac'h

daëlou , seiz mil tri c'hant bannac'h goad  
c'bars er Jardin.

Ebars em c'horf sacr e meus recevet  
c'houec'h mil c'houec'h cant c'houec'h  
gouli ha tri-ugent ; var va ziou chod em  
boe ur façad ar c'hruella ; var va gouzoug  
em boe c'houec'h cant ugent tol ; var va  
estomac , tri ha daou-ugent ; var va fenn ,  
pemp ha pêvar-ugent ; var va c'hosteziou  
hac em flanc , seiz ha trêgont ; var va ziou  
scoas , daou ha tri-ugent ; var va ziou-  
vrec'h , daou-ugent ; var va ziou vorzet  
ha va ziou c'har , daou ha tri chant.  
Crànchet o deus ar Judevien var va faç ;  
var va guinou oùn bet scôet trêgont guech ;  
eguis un den revoltet oùn bet trêlet , ha  
recevet emeus tri c'hant dec guech ha tri-  
ugent a doliou.

Heurtet ha discaret d'an douar trizec  
guech ; chasset voe vablêo tri c'hant guech ;  
chasset voe va baro ha va zreina a rejont  
eiz guech hac anter cant ; tri c'hant toul  
a voe grêt em penn gant ar gurunen spern ;  
me meus goëlet ho pec'hejou ha silvidi-  
guez oc'h ene , hac evit ma teujac'h d'en

em gonvertissa, nao c'hant guech; tourmanchou ameus souffret a oa capabl d'am laqât da vervel; eus ar gambr crim betec ar C'halvar, emeus douguet va c'hroas tri c'hant hac ur pas varnuguënt. Evit qementse tout, ne recevis nemet un act a garantez, pehini a eure ar Veroniq, en eur sec'hi va faç gant eur mouchouer, en pehini e chomas ar merq eus va bisach.

Mar feH deoc'h e enori, e leverot seiz *Pater* ha seiz *Ave* bemde epad ur bloa. Nep a rañ an draze, me acordo dezo pemp grac eus va l'assion. Ar c'henta, induljanç plenier ha remission o oll bec'hejou; an eil, me o grañ exant eus a boaniou ar purgator; an drede, ma varvont abars finissa ar bloa, me acordo dezo evel pa o devije achuet oll; ar bêvare, me acordo deze qement a c'hraçou evel ma raen da ur merzer, pehini en deve scuillet e voad evit ar feiz; ar bempet, me a zisqenno evit receo hoc'h eneou etre va daouarn, hac eneou ho qerent betec ar bedervet ligne, pere a ell beza en poaniou ar purgator, hac ho laqâi da jouissa eus ar gloar eternal.

## AR MEMOAR

*Eus a Zalver Jesus-Christ.*

**E**us a zal ar Cernacl e pehini ec'h insti-  
 tuas hor Zalver Sacramant an Auter ,  
 e voëlc'has treid e Ebestel , hac un ne-  
 beut abars antren en e Bassion , pêvar bas  
 var guenta irder , ha c'hozec a ledander ;  
 eus ar Cernacl d'ar jardin Olives e zeus  
 pemzec cant paz ; ar jardin Olives en deus  
 deg paz ha tri-uguent a hirded ; beza zo  
 c'hoas an deiz a hirio nao goezen vras  
 Olives er jardin-ze. Ar roc'h dindan pe-  
 hini e c'hozas hor Zalver en e orêson ,  
 a zo tri-uguent paz diouz ar plaç-màn.  
 Ar plaç e pehini e voe lêzet an Ebestel  
 S. Pêr , S. Jacques ha S. Yan gant hor  
 Zalver , a zo deg paz dious ar jardin. An  
 deiz a hirio memes e veler mercou eus  
 a c'horfou an tri Abostol-mâ. Ar roc'h  
 dindan pehini e c'hozas hor Zalver ,  
 soutenet dre 'bêvar bilier pere ne dint  
 get a ur peç gant ar garreg ; seiz pe eiz  
 pazen zo da zisqen ; a ledander pêvarzec ;



pemzec paz a zo eus an eil corn d'eben  
anezi. Un toul zo er garreg, pe dre hini  
e vele hor Zalver an êe pa voa oc'h ober  
e orêson. Pont Cedron, en pehini e voe  
stringet hor Zalver ebars en dour, uguent  
paz a huelder, ha seiz a ledander.

Demeus ar jardin Olives bete ti Annas  
eus daouzec cant paz. Er jardin-màn zo  
c'hoas ur vezen olives, hac hi cos meur-  
bet, pe ouz hini e leverer e voe staguet  
hor Zalver, o c'hortos ma vije prezantet  
d'ar Pontif-bras. Eus a dy Annas betec ti  
Gaïfas, eus daou c'hant anter-cant paz;  
e ti Annas e veler c'hoas eur c'havarn a  
bêvarzec troatad, e pehini e voe laqêt hor  
Zalver eur mareat enna. Eus a di Gaïfas  
bete palez Pilat, eus var dro trizec cant  
paz. Eus a balez Pilat bete pales Herodes,  
c'houec'h uguent paz; eus a bales Pilat  
bete ar zal ma voe flajellet, pemp pas  
var'n-uguent, an toul a zo qare a zeis  
pe eiz paz.



## AN NOMBR EUS AR PAZIOU

*A eure hor Zalver amaret gant ar Judevien,  
oe c'houec'h ha daou-uguent.*

**E**ts a balez Pilat bete ar plaç ma oe lavaret *Ecce Homo* d'hor Zalver, eus deg pas ha tri-uguent, eus ar plaç ma oe lavaret *Ecce Homo*, betec ar plaç ma fazias e galon d'ar Verc'hes, eus cant paz; eus ar plaç ma oe flajellet hor Zalver, hac e coezas dindan bec'h ar groas hac e oe sicouret d'e douguen gant Simon Cyreeneen, e zeus daou-uguent pâz; eus ar plaç ma coeas hor Zalver betec ar plaç ma commanças ar graguez devot da ouela varlerc'h, eus dec paz; ac'hane da di ar Fals Pinvidic, eus anter-cant paz; ac'hane bete ti ar Veroniq, pehini a sec'has bisach hor Zalver, eus cant-uguent paz; eus a di ar Veroniq betec al lec'h ma oe barnet hor Zalver, pe dre hini e sortias a gær, eus tri-uguent paz; eus an nor bete Menez Calvar, eus daou-c'hant paz. An nombr eus ar paziou a eure hor Zalver goude beza condaonet d'ar maro : en eur douguen e

groas ec'h eure c'houec'h-cant anter-cant paz. Pa oe flajellet, e recevas pemp-mil tol. Er gurdnen spern e voa daouzec drein ha tri-uguent, pere a doulle assambles.

Ar groas e devoa pempzec troatad. Daou zorn hor Zalver o devoe c'huec'h tol morzol, evit planta an tachou enne. E zaou droad c'houec'h tol all.

An dro pehini zo e Menez Calvar, pe dre hini e renqas hor Zalver pignat gant e groas, en eus da viana daou-uguent paz a buelder. Ar Verc'hez, S. Yan, ar Vadalen hac ar graguez all devot a oa ouspen seiz paz diouzar plaç ma oe crucifiet hor Zalver; croas al laer deo pêvar baz dious hini hor Zalver; hac hini al laer clêiz c'houec'h paz.

### AR FÊÇON DA ENORI JESUS-CHRIST.

**E**NE Jesus, va zantificiit; Corf Jesus, va sovetêt; Goad Jesus; va netait; Passion Jesus-Christ, roit nerz din, va c'hoachet en ho couliou; na bermetit qet en em se-parren ouzoc'h; va difennit ous an drouc-speret; va galvit en heur ar maro; com-mandit din mont davidoc'h evit o meuli

gant an ælez hac an oll zent ha sentezet  
da virviquen. Amen.



### APPROBATION AN DOCTORET A BARIS.

Ni Doctoret eus an Theologi eus ar Faculte  
a Baris, henev hac a gôves penaus hon eus  
lennet Revelationou hor Zalver Jesus-Christ,  
e pere n'hon eus cavet netra a gontrol d'ar feiz  
catholig, apostolig, ha romen.

Roet e Paris, en decvet a vis Maë 1713.

*Sinet* CANTAT ha FLEURY.



### CANTIC SPIRITUEL,

*Evit invoqi ha meuli an hano a JESUS, com-  
poset gant eur Bêleg a Gær-Ahes.*

**Q**ERCOULS en nôs evel en de,  
Canomp-ni oll gant eur güir fe;  
Canomp eta gant carantez,  
Assambles gant an oll ælez,  
Eus a Jesus ar meuleudi,  
Roue an ælez dreist pep hini.

Rac-se dious an nos ha mintin mat,  
Pedomp Jesus a galon vad;  
Leveromp a greis hor c'halon :

Autrou Jesus, roït din pardon.

C'houi zo, Jesus, guir sclêrijen,  
 D'anflami hor c'halonou zo qer yen,  
 Dêc'h-hu, va Jesus, eo e roañ  
 Va c'halon hac e destamant;  
 C'houi hac ho Mam eo da guenta  
 Em c'halon assuret muia.

Jesus, va Zalver, va Roue,  
 C'houi a vel va c'halon nos ha de;  
 Rac-se en offràn dêc'h-hu brêmàn,  
 Balamour m'ho caràn muiàn.

Jesus, va c'harante barfet,  
 Jesus, me ho car bep moment,  
 Jesus, em c'halon bezet scrivet,  
 C'houi eo a garàn, Roue an ælez.

C'houi eo va zenzor, va Jesus,  
 Eus ac'hanoc'h ez oùn anvius;  
 C'houi zo maro evit va beva,  
 Hac eus an ifern va delivra.

Me a c'houlèn brêma pardon  
 Dious Jesus gant contrition;  
 Gant eur galon qen truezus,  
 C'houi zo Jesus trugarezus.

Me a fel din ober presant  
 Eus va c'halon brêmâ touchant,

Decorative border at the top of the page, featuring a repeating pattern of stylized floral or geometric motifs.

Decorative border at the top of the page, featuring a repeating pattern of stylized floral or geometric motifs.



Decorative border at the bottom of the page, featuring a repeating pattern of stylized floral or geometric motifs.

Decorative border at the bottom of the page, featuring a repeating pattern of stylized floral or geometric motifs.